



Broj: 05.03/2-19-6186/24
Sarajevo, _____.2025. godina

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, rješavajući po zahtjevu Društva za sakupljanje, primarnu preradu industrijskih otpadaka i promet sekundarnih sirovina "Trgosirovina" d.o.o. Sarajevo, ul. Halilovići br. 9, 71000 Sarajevo za izdavanje okolinske dozvole za aktivnosti prikupljanja, privremenog skladištenja i tretman otpada, a na osnovu člana 24., člana 83. i člana 89. Zakona o zaštiti okoliša („Službene novine Federacije BiH“, broj 15/21), člana 4. stav (2) Uredbe kojom se utvrđuju pogoni i postrojenja koja moraju imati okolinsku dozvolu („Službene novine Federacije BiH“, broj 51/21 i 74/22) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE

1. Daje se **OKOLINSKA DOZVOLA** Društvu za sakupljanje, primarnu preradu industrijskih otpadaka i promet sekundarnih sirovina "Trgosirovina" d.o.o. Sarajevo (u nastavku teksta: "Trgosirovina" d.o.o. Sarajevo), ul. Halilovići br. 9, 71000 Sarajevo, za pogon prikupljanja, privremenog skladištenja i tretman otpada, ukupnog kapaciteta 7.780 t/god., na zemljištu označenom kao k.č. broj 3846/1, 3846/2, 3846/3, 3846/4, 3846/5, 3846/6, 3846/7, 3846/8, 3846/9, 3846/10, 3846/11, 3846/12, 3846/13, 3846/14, 3846/15, 3846/16, 3846/17, 3846/18 i 3846/19 K.O. Novo Sarajevo IV (novi premjer), Općina Novi Grad Sarajevo.

2. **Pogon i postrojenje za koje se izdaje okolinska dozvola**

Okolinska dozvola se daje za pogon za prikupljanje, privremeno skladištenje i tretman neopasnog i opasnog otpada i to:

- | | |
|---|----------------------|
| - upravna zgrada sa prijemnim odjeljenjem | 854 m ² |
| - prostor za reciklažu odnosno za proizvodnju sekundarnih sirovina | 8.103 m ² |
| - otvoreni skladišni prostor za skladištenje sekundarnih sirovina | 2.510 m ² |
| - prostor za privremeno skladištenje otpada i rashodovane opreme, reciklažu | |
| - i transportne puteve | 4.528 m ² |
| - natkriveni prostori | 873 m ² |
| - skladište rabljenog ulja | 192 m ² |

Ukupan prostor lokacije je 16.062 m², od čega je prostor od 8.062,00 m² (uključujući i građevinske objekte), iznajmljen drugim pravnim subjektima.

Lokacija je ogradena metalnom ogradom visine 2,5 m. Lokacija posjeduje priključke na vodu, kanalizaciju, električnu energiju. Veći dio otvorenog prostora je asfaltiran, sa izvedenim nivelacijama za odvod oborinskih voda preko slivnika i taložnika u recipient.

Prostor za obradu u proizvodnji sekundarnih sirovina raspolaže sa 8.000 m² površine sa odgovarajućom opremom za obavljanje djelatnosti:

1. Transportna oprema

- Motorno vozilo – kamion sa dizalicom i prikolicom
- Viljuškar – 1
- Viljuškar – 2

2. Mjerna oprema

- Velika kamionska elektromehanička vaga, nosivosti 50t
- Vaga sa promjenjivim položajem ravnoteže, nosivosti 1t
- Vaga, nosivosti 200kg

3. Mašinska oprema

- Čeljusne makaze
- Tocilo za sječenje
- Presa za baliranje lima
- Presa za baliranje buradi
- Mašina za izvlačenje žice
- Stroj za skidanje izolacije

4. Skladište opasnog otpada

U skladištu se nalaze tri cisterne:

- Cisterna za rabljena transformatorska ulja, zapremine V=80 m³
- Cisterna za rabljena motorna ulja, zapremine V=28 m³
- Cisterna za rabljeno turbinsko ulje, zapremine V=25 m³

Otpadna ulja se skladište u posebno označene cisterne koje su lagerovane u zatvorenom prostoru na površini koja obrađena zaštitnim nepropusnim premazom. U skladištu su izgrađeni slivnici sa rešetkama i podzemna tankvana odgovarajuće zapremine u slučaju curenja.

Na lokaciji se ne vrši nikakav tretman otpadnih ulja i ista se prodaju ugovornoj firmi ovlaštenoj za tretman rabljenih ulja na ekološki prihvatljiv način.

3. Opis aktivnosti za koje se izdaje dozvola

Ministarstvo privrede Kantona Sarajevo rješenjem broj: 07-04-18-18456-4/02 od 22.11.2002. godine utvrdilo je da društvo „Trgosirovina“ d.o.o. Sarajevo ispunjava tehničko – tehnološke uslove u pogledu opreme i poslovnog prostora za obavljanje djelatnosti „prikupljanja, skladištenja i prerade otpadnog materijala i proizvodnje sekundarnih sirovina“.

Osim, obrade i proizvodnje sekundarnih sirovina društvo „Trgosirovina“ d.o.o. Sarajevo se u okviru djelatnosti bavi izdavanjem u zakup skladišnog i poslovnog prostora.

Društvo „Trgosirovina“ d.o.o. Sarajevo na lokaciji Halilovići br. 9 obavlja djelatnost otkupa otpada od privrednih društava i individualnih sakupljača i obavlja tretman otpada, odnosno, proizvodnju



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

sekundarnih sirovina od metalnog i nemetalnog otpada i sa istim snabdijeva prerađivače otpada u zemlji i inostranstvu. Obaveza ishodovanja okolinske dozvole proizilazi iz tačke 4.5. Uredbe kojom se utvrđuju pogoni i postrojenja koja moraju imati okolinsku dozvolu („Službene novine Federacije BiH", br. 51/21 i 74/22), a odnosi se na Privremeno skladištenje opasnog otpada koji nije obuhvaćeno tačkom 4.4. i koji čeka na neki od postupaka iz tačaka 4.1., 4.2., 4.4. i 4.6., ukupnog kapaciteta od 50 do 100 tona, osim privremenog skladištenja, koji čeka sakupljanje, na lokaciji na kojoj je otpad nastao. Tehnološki proces se zasniva na reciklaži posebno izdvojenih materijala:

- Preuzimanje otpada na mjestu nastajanja, transport i proizvodnja sekundarnih sirovina željeza i čelika;
- Preuzimanje na mjestu nastajanja, transport rashodovanih vozila, demontaža upotrebljivih dijelova i uskladištenje istih, proizvodnja i uskladištenje sekundarnih sirovina od rabljenih sirovina od rabljenih motornih vozila;
- Preuzimanje u izvorima nastajanja, transport do skladišta motornim vozilima, sortiranje i proizvodnja sekundarnih sirovina bakra, bronz i mesinga;
- Preuzimanje u izvorima nastajanja, transport do skladišta motornim vozilima, sortiranje i proizvodnja sekundarnih sirovina (sortiranje, razdvajanje na sastavne dijelove) bakarnih kablova;
- Preuzimanje u izvorima nastajanja, transport do skladišta, sortiranje i proizvodnja sekundarnih sirovina aluminijuma i legura aluminijuma;
- Preuzimanje u izvorima nastajanja, transport do skladišta, sortiranje i proizvodnja sekundarnih sirovina olova i legure olova;
- Olovni akumulatori sa kiselinom - akumulatori se skladište u plastične kontejnere i isporučuju proizvođačima akumulatora koji vrše reciklažu uključujući i neutralizaciju kiseline;
- Preuzimanje u izvorima nastajanja, transport do skladišta, sortiranje i proizvodnja sekundarnih sirovina cinka i legura cinka;
- Stara i otpadna vozila - demontaža rabljenih i otpadnih vozila; Prostor za rastavljanje auto otpada mora biti odvojen, sa tvrdom podlogom sa nagibom prema obodnim kanalima koji će oborinsku vodu odvesti preko separatora u recipijent i sa neophodnom opremom i posudama. Neopasne komponente kao obojeni metali i metali sa sadržajem željeza se zbrinjavaju kao i druge vrste metalnog otpada, dok se otpadne gume, staklo i plastika zbrinjavaju isključivo putem postrojenja registrovanih za ove vrste otpada. Opasne komponente (filteri za ulje, komponente koje sadrže živu, tečnosti za kočnice, kočione obloge, antifriz tečnosti, itd.) se zbrinjavaju na propisan način u postrojenjima isključivo registrovanim za zbrinjavanje opasnog otpada;
- Elektronski i električni otpad se razdvaja na opasne i neopasne komponente, sa izuzetkom uređaja koji zahtijevaju poseban tretman i opremu. Električni i elektronski otpad koji se može skladištiti na lokaciji su: kablovi, energetske transformatori, elektromotori, električna brojila, električni i elektronski alat, računari, baterije i akumulatori;
- Otpadna ulja se skladište i bez ikakvog tretmana isporučuju isključivo postrojenjima registrovanim za zbrinjavanje ove vrste otpada. Operater mora postupati sa rabljenim uljima u skladu sa Uredbom o selektivnom prikupljanju, pakovanju i označavanju otpada.

Prikupljanje i tretman otpada je klasificirano na neopasni i opasni otpad, ukupnog kapaciteta 7.780,00 t/god, od čega je 7.470,00 t/god neopasani otpad i 310 t/god opasni otpad.

4. Vrste otpada i godišnje količine koje se tretiraju i privremeno skladište

U skladu sa Pravilnikom o kategorijama otpada sa listama („Službene novine Federacije BiH”, br. 9/05), otpad koji se prikuplja, skladišti, prerađuje specificiran je u narednim tabelama:

4.1. Neopsani - Nemetalni otpad (na osnovu Plana upravljanja otpadom za 2025.god.)

ŠIFRA OTPADA	VRSTA OTPADA	GODIŠNJA KOLIČINA (t/god)
02 07 01	Otpad od pranja, čišćenja i mehaničke obrade sirovine	0,20
03 01 05	Piljevina, strugotine, otpaci od rezanja drva, drvo, otpaci dasaka	3,00
04 02 09	Otpad od mješovitih kompozitnih materijala (imp.tekstil,	0,10
04 02 22	Otpad od prerađenih tekstilnih vlakana	0,15
04 02 13	Otpadna plastika	2,00
10 12 08	Otpad od keramike, cigli, crijepa, građ.materijala,....	15,00
15 01 01	Ambalaža od papira i kartona	0,50
15 01 03	Ambalaža od drveta	1,00
15 02 03	Absorberi, filterski materijali....koji nisu pod 15 02 02	0,15
16 01 03	Istrošene gume	1,50
16 01 19	Plastika	10,00
17 01 01	Beton	0,50
17 01 07	Mješavina betona, opeke, crijepa, keramike koje nisu...17 01 06	0,50
17 02 01	Drvo	5,00
17 02 02	Staklo	0,10
17 02 03	Plastika	5,00
17 06 04	Izolacioni materijali koji nisu pod 17 06 01 17 06 03	0,50
19 02 03	Izmješani otpad sastavljen samo od neopasnog otpada	0,15
19 12 02	Plastika i guma	1,50
19 12 08	Tekstil	0,05
20 01 01	Papir i karton	5,00
Ukupno:		51,90

4.2. Neopasni - Nemetalni otpad (na osnovu Plana upravljanja otpadom za 2025.god.)

ŠIFRA OTPADA	VRSTA OTPADA	GODIŠNJA KOLIČINA (t/god)
16 01 06	Istrošena-otpadna vozila koja ne sadrže tekućine ni ostale opasne komponente	5,00
16 02 14	Odbačena oprema koja nije pod 16 02 09 do 16 02 13	5,00
17 04	Metali i njihove legure	
17 04 01	Bakar, bronza, mesing	60,00
17.04.02.	Aluminijum	100,00
17.04.03.	Olovo	1,00
17.04.04.	Cink	1,00
17.04.05.	Željezo i čelik	1000,00
17.04.07	Miješani metali	1,00
17.04.11.	Kabelski vodiči, nisu navedni pod 17.04.10	55,00
19 12 02	Željezni metali	0,10
20 01 36	Odbačena električna i elektronska oprema, koja nije navedena pod 20 01 21, 20 01 23 i 20 01 35	100,00
Ukupno:		1328,10

4.3. Opsani - Nemetalni otpad (na osnovu Plana upravljanja otpadom za 2025.god.)

ŠIFRA OTPADA	VRSTA OTPADA	GODIŠNJA KOLIČINA (t/god)
13 01 13*	Ostala hidraulična ulja	1,00
13 02 05*	Nehlorirana maziva ulja za motore i zupčanike	7,00
13 03 07*	Nehlorirana izolaciona ulja i ulja za prenos toplote na bazi	100,00
Ukupno:		108,00

4.4. Opasni – Metalni otpad (na osnovu Plana upravljanja otpadom za 2025.god.)

ŠIFRA OTPADA	VRSTA OTPADA	GODIŠNJA KOLIČINA (t/god)
16 01 04*	Istrošena - stara vozila	7,50
16 02 13*	Odbačena oprema koja sadrži opasne komponente	5,00
16 02 15*	Opasne komponente izvađene iz odbačene opreme	0,05
16 06 01*	Olovne baterije (i akumulatori)	10,00
17 04 09*	Metalni otpad onečišćen opasnim tvarima	1,00
20 01 35*	Odbačena električna i elektronička oprema koja nije	4,00
Ukupno:		27,55

Sve ukupno (4.1.+ 4.2.+4.3.+4.4.):	1515,55 t
---	------------------

*Opasni otpad

Ukupna godišnja količina koja se tretira iznosi: 7.780,0 t/god. (projektovani kapacitet)

Ukupna godišnja količina neopasnog otpada iznosi: 7.470,0 t/god.

Ukupna godišnja količina opasnog otpada iznosi: 310 t/god.

5. Popis energenata

Snabdijevanje vodom i energijom se vrši na sljedeći način:

- električna energija se obezbjeđuje preko priključka na javnu elektrodistributivnu mrežu;
- toplotna energija se obezbjeđuje putem vlastite kotlovnice kapaciteta 240 kW (upravna zgrada), koja kao gorivo koristi prirodni gas;
- snabdijevanje vodom se vrši iz gradske vodovodne mreže.

R.b.	Naziv	Godišnja potrošnja	Potrošnja po jedinici proizvoda
1.	Električna energija	40.000,00 kWh	5,35 kWh/t
2.	Prirodni gas	9.600 m ³	1,28 m ³ /t
3.	Voda	720 m ³	-

Tabela 2. Potrošnja energenata

6. Emisije/uticaji na okoliš

Emisije koje pogon i postrojenje ima na okoliš:

- Emisije u zrak
- Emisije u vode
- Emisije u zemljište
- Otpad
- Buka

6.1. Emisije u zrak

Emisije u zrak nastaju u procesu tretmana otpada, odnosno sortiranja i rastavljanja otpada. Takođe, emisije u zrak će nastajati i povremeno uslijed rada mehanizacije i od kamiona koji dopremaju otpadni materijal na lokaciju pogona i postrojenja. Na kvalitet zraka u radnoj sredini i neposrednoj okolini postrojenja mogu uticati prašina, otpadni dimni plinovi koji nastaju prilikom istresanja otpadnih dijelova iz kamiona i kretanjem kamiona. Emisije u zrak su privremenog karaktera. Nisu rađena mjerenja emisija u zrak. Zagrijavanje poslovnog objekta se vrši putem električne energije.

6.2. Emisije u vode

Na lokaciji pogona i postrojenja postoje sljedeće vrste otpadnih voda: tehnološke, sanitarno-fekalne i oborinske otpadne vode. U tehnološkom procesu obrade i proizvodnje otpada kao sekundarne sirovine uglavnom su zauljene otpadne vode koje nastaju za vrijeme oborina na otvorenom prostoru za tretman i transport otpada. Na tom prostoru su izgrađeni kanali, kanalice i slivnici sa rešetkama tako da se njima vrši prikupljanje i odvod na tretman do separatora ulja i masti. Zauljene i zamuljene vode sa radno-manipulativnih površina se odvođe do betonskog separatora kapaciteta $Q=10$ l/s koji koristi se kao pjeskolov i djelimični odstranjivač masti i ulja testiran prema DIN 54152, a zatim do separatora ulja i masti kapaciteta $Q=150$ l/s.

Prema vodnoj dozvoli, utvrđene su obaveze operatera za kontrolu otpadnih tehnoloških voda. Redovnu godišnju kontrolu otpadnih voda preduzeća Trgosirovina vrši ovlaštena firma „Dvokut Pro“ d.o.o. Sarajevo, izvještaj broj: IV-138-A11/23 od 23.05.2023.godine, važi do 23.05.2024. godine i najnoviji firme „Inspekt RGH“ d.o.o. Sarajevo, broj izvještaja: 90/24 od 25.01.2024. godine važi do 25.01.2025.godine.

Otpadne vode su oborinske vode koje se prikupljaju drenažnim sistemom i vode na uljni separator a zatim se ispuštaju u recipient. Sanitarno fekalne vode prikupljaju se u biološki prečištač gdje se vrši uzorkovanje prije ispuštanja u recipient. Metode uzorkovanja, učestalost i uvjeti mjerenja i ispitivanja otpadnih voda radi se u skladu sa standardom BAS ISO 5667-10: 2000. Lokacija mjerenja odnosno uzorkovanja data su na skici - Situacionom planu objekata, a ovlaštena laboratorija koja vrši uzorkovanje i mjerenje je predhodno navedena, „Inspekt RGH“ d.o.o. Sarajevo.

6.3. Emisije u zemljište

Zemljište se može onečistiti nekontrolisanim odlaganjem otpadnih ulja i maziva, te nekontrolisanim rasipanjem nafte, motornog ulja, maziva i goriva iz rezervoara i mehanizacije.

Opasni otpad obuhvata: otpadna rabljena ulja mineralne osnove bez PCB/PCT, olovne baterije-akumulatori (bez tretmana), elektronski i električni otpad.

Otpadna rabljena ulja mineralne osnove bez PCB/PCT se skladište u cisterne koje su lagerovane u zatvorenom prostoru, na površini koja je obrađena sa zaštitnim nepropusnim premazom. U prostoriji su izgrađeni slivnici sa rešetkama i podzemnim tankvana, adekvatne zapremine za slučaj procurivanja kanistera sa mineralnim uljima. Podni prostor na kojem se vrši pretakanje i privremeno skladištenje otpadnih rabljenih ulja mineralne osnove (bez PCB/PCT) je adekvatno zaštićen i obezbjeđen od procurivanja.

Skladištenje metalnog i nemetalnog otpada vrši se privremeno ne duže od 12 mjeseci na:

- Otvorenom skladišnom prostoru sa betonskom podlogom presvučenim nepropusnim materijalom, površine 500 m^2 ;
- Nadkrivenom skladištu - Zatvoreni prostor, mjesto i oprema za obradu i pripremu električne i elektronske opreme:

- Velika kamionska vaga nosivosti 50 tona i manja vaga za težine do 200 kg i do 1 tone;
- Odgovarajući prostor sa nepropusnom podlogom za aktivnosti tretmana otpada električne i elektronske opreme: rastavljanje električne i elektronske opreme i skladištenje dijelova, površine 51 m² za električna brojila, električne uređaje i računare, te zatvoreni skladišni prostor – briketirka, baterije i akumulatori površine 74 m².

Operater ima sklopljen ugovor sa ovlaštenom firmom za preuzimanje, manipulaciju, skladištenje i krajnje zbrinjavanje opasnog otpada (čišćenje separatora i zbrinjavanje ostalih otpada).

Ukupna površina vanjskog radno manipulativnog prostora iznosi cca 8000 m² na kojem se vrši skladištenje željeza, bakra, bakarnih kablova, Al/Fe užad, Al kablovi i dr. Vanjski radno manipulativni prostor je većim dijelom asfaltiran sa izvedenim padovima i slivnicima.

6.4. Emisija buke

Emisija buke se može javiti tokom dopremanja sirovina u krug preduzeća. Na predmetnoj lokaciji buka može dolaziti iz dva izvora:

- buka koju proizvodi tehnološka oprema (stalna za vrijeme procesa rada), buka koja nastaje radom različitih mašina za rezanje lima i sl.;
- buka koju proizvode transportna sredstva (privremenog karaktera), buka koja nastaje uslijed kretanja vozila u krugu preduzeća (dovoz vozila, utovar, istovar).

U blizini lokacije preduzeća se ne nalaze privatne kuće, niti stambeni objekti, već privredna društva, ali svejedno potrebno je voditi računa o terminima i načinu utovara i istovara robe.

Nivo buke ovisiće od mašina koje se koriste za transport, frekvencije saobraćaja i kvaliteta saobraćajnica.

6.5. Otpad

Kompletan proces upravljanja (prikupljanja, skladištenja i zbrinjavanja) svih vrsta otpada koji nastaje na bilo koji način tokom normalnog rada pogona, definisan je Planom upravljanja otpadom i velikim dijelom Dozvolom za upravljanje otpadom br. 05-19-14188-2/23 od 20.10.2023. godine.

Bitno je napomenuti da Operater selektivno prikuplja i zbrinjava sve vrste generiranog otpada, te je u skladu sa zakonskim obavezama imenovano lice koje će vršiti upravljanje otpadom na lokaciji. Sav otpad se adekvatno zbrinjava prema važećoj zakonskoj regulativi.

“Trgosirovina” d.o.o. Sarajevo ima zaključene sve ugovore sa ovlaštenim operaterima o preuzimanju i daljem zbrinjavanju svih vrsta otpada koji podliježu daljem tretmanu, što je i priloženo uz Zahtjev.

7. Okolinska dozvola izdaje se uz slijedeće uslove i poduzete mjere

7.1. Opće mjere

U svrhu kompletne zaštite okoliša od štetnih uticaja djelatnosti koje se obavljaju u postrojenju, operater je obavezan osigurati da pogoni i postrojenje funkcionišu tako što će se ispoštovati sve odredbe iz čl. 84. Zakona o zaštiti okoliša Federacije BiH (“Službene novine Federacije BiH”, br. 15/21).



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-086, Fax: + 387 (0) 33 562-177
 Web: <http://mkipgo.ks.gov.ba>,
 E-mail: mkipgo@mkipgo.ks.gov.ba

7.2. Mjere za sprečavanje i smanjenje čvrstog i tečnog otpada

- Otpad se ne smije prosipati ili rasipati kao rezultat tretiranja otpada ili prirodnih pojava;
- Operater je dužan osigurati priručna sredstva za brzu intervenciju u slučaju nekontrolisanog isticanja ulja, kako bi se spriječilo onečišćenje vode i tla (piljevina, prikladni apsorbenzi, odgovarajuće posude, uređaji za pretakanje i sl.);
- Prikupljati odvojeno sve vrste otpada (komunalni, opasni i neopasni otpad) koji nastaje u pogonu i predavati firmama koje imaju izdate dozvole u skladu sa važećim propisima;
- Postupati u skladu sa Planom upravljanja otpadom 2025;
- Operater je dužan da otpad koji nastaje, prikuplja i klasifikuje prema Pravilniku o kategorijama otpada sa listama („Službene novine Federacije BiH“, br. 9/05);
- Svaka posuda sa opasnim otpadom (kontejneri, cisterne, burad i sl) mora biti označen sa oznakom „OPASNI OTPAD“, šifrom i nazivom vrste otpada i simbolom opasnosti;
- Otpadna motorna ulja, ulja za mjenjače i podmazivanje prema listi otpada 13 02 04*, 13 02 05*, 13 02 06*, 13 02 07* odlagati u posebne cisterne po vrstama otpada, do isporuke firmi koja ima dozvolu za zbrinjavanja opasnog otpada;
- Prostor predviđen za skladištenje starih akumulatora treba imati kiselo otporni premaz na nepropusnom dnu, a akumulatori se trebaju skladištiti na taj prostor u odgovarajuće nepropusne kontejnere. Zabranjeno je rastavljanje i izljevanje sumporne kiseline iz starih akumulatora. Skladištenje vršiti do konačnog preuzimanja i zbrinjavanja od strane ovlaštene firme;
- Nastali otpad iz separatora ulja i masti spadaju u opasni otpad i potrebno ih je propisno prikupljati i skladištiti u spremniku predviđenom za opasne materije do konačnog zbrinjavanja od firme koja posjeduje dozvolu u skladu sa važećim propisima za upravljanje otpadom;
- Redovno nadzirati i kontrolisati nepropusnu podlogu skladišta opasnog otpada sa opremom za sakupljanje prosutih tečnosti i sredstvima za odmašćivanje;
- Pogon mora imati funkcionalan sistem za potpuni kontrolisani prihvrat zauljene atmosfere vode sa svih površina (manipulativne površine, parking prostor i dr.), njihov predtretman u separatoru ulja i masti i redovno pražnjenje i održavanje separatora;
- Otpadna vozila, u prostoru u kojem se skladište, se ne mogu slagati jedno na drugo, moraju se skladištiti na način da se ne oštete dijelovi motornih vozila koji sadrže tečnosti ili dijelovi koji se mogu ponovno upotrijebiti;
- Zauljenu ambalažu, krpe i sl. odlagati u posebno označen spremnik;
- U slučaju ispuštanja naftnih derivata, ulja i masti iz vozila, osigurati sredstva za upijanje naftnih derivata, osoblje mora biti obučeno kako da koristi ove materijale;
- Operater je dužan osigurati da je svaki transport opasnog otpada praćen transportnom dokumentacijom u skladu sa Uredbom o selektivnom prikupljanju, pakovanju i označavanju otpada („Službene novine Federacije BiH“, br. 38/06);
- Operater je dužan sklopiti ugovore sa ovlaštenim operaterima za sve vrste otpada koji podliježu daljem tretmanu (akumulatori, baterije, uljni filteri, odmašćeni materijali, otpadno željezo, obojeni metali, otpadne gume i sl.);
- Operater je dužan u roku od godinu dana ishodovati novu dozvolu za upravljanje otpadom od nadležnog ministarstva, obzirom da se u Zahtjevu za ishodovanje okolinske dozvole navode nove šifre otpada koje do sada nisu bile predmetom dozvole za upravljanje otpadom.

7.3. Mjere za smanjenje emisija u zrak

Za smanjenje emisija u zrak neophodno je kontinuirano provoditi slijedeće mjere:

- sve manipulativne površine je potrebno redovno čistiti, prati i održavati da bi se spriječile prekomjerne koncentracije prašine u pogonu.

7.4. Mjere smanjenja negativnog uticaja na vode i tlo

Za smanjenje emisija u vode i tlo neophodno je kontinuirano provoditi slijedeće mjere:

- za sanitarno-fekalne vode postupati u skladu sa Vodnom dozvolom br. 07-05-21-11186/20 od 21.09.2020. godine izdatom od Ministarstva privrede KS, do izdavanja nove vodne dozvole;
- za tehnološko-otpadne vode postupati u skladu sa Vodnom dozvolom br: UPI-1/21-3-40-568-3/21 od 07.12.2021. godine izdatom od „Agencije za vodno područje rijeke Save“ Sarajevo;
- da se objekti čija je svrha odvođenje i prečišćavanje onečišćenih voda (kanali i slivnici, kanalizaciona mreža, betonski separator ulja i masti kapaciteta $Q=10$ l/s, separatora ulja i masti kapaciteta $Q=150$ l/s i dr.) redovno održavaju i koriste na način koji će obezbijediti njihovu potpunu ispravnost i funkcionalnost;
- prečišćene vode prije ispuštanja u recipijent trebaju ostati u maksimalno dozvoljenim granicama definisanim članom 15. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, br. 26/20 i 96/20);
- da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, br. 26/20 i 96/20);
- u narednom periodu (do godinu dana) pokrenuti aktivnosti na nivelisanju i asfaltiranju vanjskog radnog manipulativnog prostora koji nije asfaltiran ili koji je dotrajavao, radi adekvatnog prikupljanja i odvođenja tehnoloških otpadnih voda na tretman (u skladu sa uputama iz Vodne dozvole br. UPI-1/21-3-40- 568-3/21 od 07.12.2021. godine za ispuštanje tehnoloških otpadnih voda „Agencija za vodno područje rijeke Save“ Sarajevo).

7.5. Mjere smanjenja nivoa buke

Emisije buke iz pogona je potrebno držati u dozvoljenim granicama propisanim Zakonom o zaštiti od buke KS („Službene novine Kantona Sarajevo“, br. 23/16). Operater je dužan redovno održavati i vršiti tehničku kontrolu opreme, kao stalna mjera.

7.6. Mjere u slučaju vanrednih situacija

Operater pogona i postrojenja je dužan obezbijediti „Operativni plan mjera u slučaju vanrednih i incidentnih zagađenja“, u skladu sa Zakonom o Vodama FBiH („Službene novine Federacije BiH“, br. 70/06) i odredbama Pravilnika o postupcima i mjerama u slučajevima akcidenata na vodama i obalnom vodnom zemljištu („Službene novine Federacije BiH“, br. 71/09, 102/18 i 70/24) i postupati u skladu sa istim.

Napominjemo, da se postupanje prema Planu interventnih mjera u slučajevima prekomjerne zagađenosti zraka u Kantonu Sarajevo kontroliše uz pojačan inspekcijski nadzor.

7.7. Mjere nakon zatvaranja pogona

Ukoliko eventualno dođe do obustave i prestanka rada pogona i postrojenja na analiziranoj lokaciji koje posjeduje okolinsku dozvolu, operater je dužan da o tome obavijesti nadležno ministarstvo u pisanoj formi. Operater pogona i postrojenja ili stečajni upravnik obavještava nadležno ministarstvo

o pokrenutom stečajnom postupku i mogućnosti provođenja mjera i monitoringa navedenih u okolinskoj dozvoli.

Nakon što nadležno ministarstvo utvrdi da su ispunjeni uslovi o prestanku rada izdaje rješenje o prestanku važenja okolinske dozvole u skladu sa članom 96. Zakona o zaštiti okoliša, te će u skladu sa zakonom obavijestiti zainteresovanu javnost o donesenom Rješenju.

Sukladno odredbama člana 97. Zakona o zaštiti okoliša, rješenjem o prestanku važenja rješenja o okolinskoj dozvoli utvrđuje se obaveza i nosioc izvršenja mjera sanacije za pogon i postrojenje i lokaciju poslije prestanka aktivnosti, kako bi se izbjegao rizik po okoliš, zdravlje ljudi i materijalna dobra. Operater, odnosno direktor društva je odgovoran za provođenje navedenih mjera u skladu sa zakonskom regulativom.

8. Monitoring plan

Osnovna namjena planiranog monitoringa stanja okoliša je sagledavanje efekata preventivnih i zaštitnih mjera i uvođenja neophodnih poboljšanja i ispravki.

Program praćenja/monitoringa uticaja pogona za prikupljanje, privremeno skladištenje i tretman otpada, ul. Halilovići br. 9, 71000 Sarajevo, na okoliš provoditi u skladu sa zakonskom regulativom. U svrhu ocjene uticaja pogona za prikupljanje, privremeno skladištenje i tretman otpada na okoliš, potrebno je redovno provoditi ispitivanje fizičko-hemijskih karakteristika otpadnih voda, te kontinuirano nadzirati aktivnosti na minimizaciji nastanka otpada.

EMISIJA	Parametar	Mjesto vršenja	Dinamika provođenja
VODA	Mjeriti parametre zahtijevane u skladu Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, br. 26/20 i 96/20)	Okna za monitoring	U skladu sa vodnom dozvolom br. UP-I-25-3-40-568-3/21 od 07.12.2021. godine izdatom od „Agencije za vodno područje rijeke Save“ Sarajevo i vodnom dozvolom 07-05-21-11186/20 od 21.09.2020. godine izdatom od Ministarstva privrede KS, do izdavanja nove vodne dozvole.
OTPAD	Redovno nadzirati aktivnosti na minimizaciji nastajanja svih otpadnih tokova na lokaciji. Mjeriti, voditi evidenciju i vršiti analize kvantitativno-kvalitativnih podataka o otpadnim tokovima	Otpadni tokovi u pogonu	U skladu sa dozvolom za upravljanje otpadom, br. 05-19-14188-2/23 od 20.10.2023. godine, do pribavljanja nove koju je operater dužan ishodovati u roku od 12 mjeseci.

Tabela 3: Monitoring plan

9. Izvještavanje

Izvještaji o prikupljenim podacima vršiti na način kako je to propisano odredbama Pravilnika o registru zagađivača i zagađivanjima okoliša („Službene novine Federacije BiH“, br. 11/23). Izvještaji

trebaju biti dostavljeni nadležnom ministarstvu najkasnije do 30.03. tekuće godine za prethodnu godinu izvještavanja. Operater je dužan vršiti unos podataka u elektronski Registar o postrojenjima i zagađivanjima (BH PRTR), koji je uspostavilo Federalno ministarstvo okoliša i turizma u skladu sa odredbama navedenog Pravilnika. Skraćenu verziju izvještaja, koja se dobije po okončanju postupka unosa podataka, dostaviti ovom Ministarstvu. Osim navedenog obaveza operatera je i izvještavanje o količinama produkovanog otpada prema Fondu za zaštitu okoliša u skladu sa Urebom o informacionom sistemu upravljanja otpadom („Službene novine Federacije BiH“, br. 97/18).

10. Period važenja i ostala prava i obaveze

Okolinska dozvola se izdaje na period od 5 (pet) godina od dana pravosnažnosti rješenja.

Operater je dužan da 90 dana prije isteka ovog roka podnese zahtjev za obnovu okolinske dozvole. U slučaju izmjene uslova pod kojima je dozvola izdata, Operater je dužan podnijeti zahtjev za izmjenu dozvole, odmah po nastanku novih okolnosti.

Ova okolinska dozvola je neprenosiva i vezana isključivo za pravno lice na čije ime je izdata. Prava i obaveze iz dozvole ne mogu se prenositi na druga pravna ili fizička lica, osim ako nadležni organ u posebnom postupku odluči drugačije u skladu sa Zakonom o zaštiti okoliša.

O B R A Z L O Ž E N J E

Podnosilac zahtjeva Društvo za sakupljanje, primarnu preradu industrijskih otpadaka i promet sekundarnih sirovina “Trgosirovina” d.o.o. Sarajevo, ul. Halilovići br. 9, 71000 Sarajevo podnijelo je dana 29.04.2024. godine zahtjev za izdavanje okolinske dozvole za pogon prikupljanja, privremenog skladištenja i tretman otpada, ukupnog kapaciteta 7.780 t/god., na zemljištu označenom kao k.č. broj 3846/1, 3846/2, 3846/3, ...3846/19 K.O. Novo Sarajevo IV (novi premjer), Općina Novi Grad, Sarajevo. Uvidom u dostavljenu dokumentaciju, utvrđeno je da je zahtjev neprecizan i nepotpun, odnosno ne sadrži elemente sadržaja zahtjeva za izdavanje okolinske dozvole iz čl. 86. Zakona o zaštiti okoliša („Službene novine Federacije BiH“, br. 12/21), te je zatražena dopuna zahtjeva. Dana 02.07.2024. godine je dostavljena dopuna zahtjeva za okolinsku dozvolu sa slijedećom dokumentacijom:

- Popunjeni obrazac;
- Netehnički rezime;
- Prilog I – Izvještaj o monitoringu kvaliteta i kvantiteta otpadnih voda poslovnog kompleksa (Inspekt RGH doo Sarajevo, br. 90/24 od 31.01.2024. godine);
- Prilog II – Izvještaj o ispitivanju kvaliteta otpadnih voda (Dvokut pro doo Sarajevo, br. IV-138-A11/23 od 23.05.2023. godine);
- Prilog III – Popis zagađujućih supstanci;
- Prilog IV – Izjava o istinitosti podataka;
- Prilog V – Rješenje nositelja za izradu studija o utjecaju na okoliš i odgovorne osobe;
- Prilog VI – Uvjerenje o položenom stručnom ispitju.

Uvidom u dopunu Zahtjeva utvrđeno je da je Zahtjev ponovo nepotpun i neusklađen. Dana 18.11.2024. godine je dostavljena druga dopuna Zahtjeva i tom prilikom je dostavljeno slijedeće:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba

- Tekstualni dio sa opisom pogona i postrojenja, kapacitetima proizvodnje i prosječne godišnje količine sakupljanja i tretmana otpada (sa malim brojem šifri), tabelarni prikaz otpada sa šiframa isl.;
- Rješenje o registraciji br. 065-0-Reg-07-002562 od 24.02.2009. godine;
- Aktuelni izvod iz sudskog registra, br. 065-0-RegZ-24-009523 od 30.07.2024. godine;
- ZK izvadak, br. 065-0-NAR-19-109 573 od 05.12.2019. godine;
- Rješenje Općine Novi Grad Sarajevo koje mijenja rješenje o odobrenju za građenje i odobrenje za upotrebu objekta, br. 07-31-1128/99 od 29.02.2000. godine;
- Rješenje Ministarstva privrede KS kojim se utvrđuje da navedeno privredno društvo ispunjava propisane tehničko-tehnološke uslove u pogledu opreme i poslovnog prostora za obavljanje djelatnosti, br. 07-04-18-18456-4/02 od 22.11.2002. godine;
- Rješenje o vodnoj dozvoli za tehnološko-otpadne vode izdato od Agencije za vodno područje rijeke Save, br. UP-1/21-3-40-568-3/21 od 07.12.2021. godine;
- Rješenje o vodnoj dozvoli za snabdijevanje vodom i ispuštanje sanitarno-fekalnih voda izdato od Ministarstva privrede KS, br. 07-05-21-11186/20 od 21.09.2020. godine;
- Situacioni prikaz objekata.

Uvidom u dostavljenu dopunu zahtjeva od 18.11.2024. godine, utvrđeno je da je isti ponovo nepotpun i neusklađen, te je u cilju efikasnijeg rješavanja postupka održan sastanak sa predstavnikom firme „Trgosirovina“ d.o.o. Sarajevo (gđin. M. Rudež) u februaru 2025. godine. Na sastanku su predloženi svi nedostaci i nejasnoće u vezi sa dostavljenom dokumentacijom. Na sastanku je dogovoreno da se ostavi duži rok za dostavu dopunjenog Zahtjeva i usklađenog sa drugim važećim obavezujućim aktima, te da će stranka dok sagleda stvarni obim posla o istom obavijestiti Ministarstvo i dostaviti sve potrebne podatke, a shodno propisanim procedurama. Kako stranka nije dostavila navedeno, dana 04.07.2025. godine stranci je zvanično upućen ponovo zahtjev za dopunu i korekciju Zahtjeva. Dana 22.08.2025. godine stranka je dostavila zamolbu za produženje roka za dostavu korigovanog Zahtjeva. Stranka je ponovo dana 27.08.2025. godine dostavila dopunu Zahtjeva. Uvidom u navedeni Zahtjev, dana 18.09.2025. godine je održan sastanak sa firmom nLogic koji je izrađivač Zahtjeva za izdavanje okolinske dozvole, te je nakon toga i zvanično upućen dopis stranci sa zahtjevom za novu korekciju.

Dana 31.10.2025. godine izvršen je obilazak pogona društva „Trgosirovina“ d.o.o. Sarajevo i tom prilikom su pojašnjene određene pojedinosti koje nisu bile jasno definisane u Zahtjevu, te je dogovoreno da se dostavi korigovan Zahtjev sa kompletnom pratećom dokumentacijom što je i zapisnički evidentirano (Zapisnik o uviđaju od 31.10.2025. god.). Prilikom obilaska terena, potvrđeno je i evidentirano da „Trgosirovina“ d.o.o. Sarajevo u tehnološke procese uvodi nove linije tretmana otpada (šifre otpada) koje nisu obuhvaćene važećom dozvolom za upravljanje otpadom, a navode se u Zahtjevu za izdavanje okolinske dozvole. „Trgosirovini“ d.o.o. Sarajevo je 2013. godine izdata dozvola za upravljanje otpadom sa jasno definisanim šiframa otpada, metodama tretmana i mjerama koje se moraju poduzimati. Nakon toga je dva puta izdato Rješenje o produženju dozvole za upravljanje otpadom (2018. i 2023. godine). Konstatovano je i zapisnički evidentirano da „Trgosirovina“ d.o.o. Sarajevo mora u određenom roku podnijeti zahtjev za izdavanje nove dozvole za upravljanje otpadom koja će biti usklađena sa okolinskom dozvolom.

U skladu sa dogovorom, stranka je dana 05.11.2025. godine dostavila korigovan Zahtjev i prateću dokumentaciju, uključujući slijedeće ugovore koji se odnose na upravljanje otpadom i čišćenje/crpljenje septičkih jama i separatora:

- Ugovor br. 04/25 sklopljen sa firmom Valbih d.o.o. Donje Polje, Konjic;

- Ugovor o poslovnoj saradnji br. 29/25 sklopljen sa firmom „CIBOS“ d.o.o. Ilijaš;
- Ugovor o vršenju usluga sklopljen sa KJKP „RAD“ d.o.o. Sarajevo;
- Ugovor o poslovnoj saradnji sklopljen sa firmom „EKO-FORMA“ d.o.o. Bugojno;
- Ugovor o poslovnoj saradnji sklopljen sa firmom Kim Tec Eko d.o.o. Vitez;
- Ugovor o poslovnoj saradnji sklopljen sa firmom „MILKUS“ d.o.o. Pale;
- Ugovor o poslovnoj saradnji sklopljen sa firmom „A&D“ d.o.o. Hadžići;
- Ugovor o poslovnoj saradnji sklopljen sa firmom SELLER d.o.o. Gradačac;
- Ugovor o poslovnoj saradnji sklopljen sa firmom „MODERNIZACIJA“, d.o.o. Gradačac;
- Ugovor o pružanju usluga sklopljen sa firmom AIDA-COMMERCE d.o.o. Sarajevo;
- Ugovor o pružanju usluga sklopljen sa KJKP „Vodovod i kanalizacija“ d.o.o. Sarajevo.

Nakon pregleda dopunjene dokumentacije, utvrđeno je, da je zahtjev za okolinsku dozvolu precizan, potpun, te da je podnesen u skladu sa odredbama čl. 86. Zakona o zaštiti okoliša Federacije BiH („Službene novine Federacije BiH“, br. 15/21).

Dopisom broj UP-1-14-06/13-19.2-17157/25 od 21.10.2025. godine, Kantonalna uprava za inspekcijske poslove je dostavila informaciju o provedenom redovnom inspekcijskom nadzoru – upravljanje otpadom na predmetnoj lokaciji u kojoj se navodi da društvo „Trgosirovina“ d.o.o. Sarajevo postupa u skladu sa ranije izdatom okolinskom dozvolom.

U cilju osiguranja učešća javnosti u postupku poduzete su slijedeće radnje:

Objavom na internet stranici Ministarstva komunalne privrede, infrastrukture, prostornog uređenja, građenja i zaštite okoliša dana 17.11.2025. godine, objavom objavom u “Dnevnom avazu” i dopisom nadležnoj Općini od 19.11.2025. godine, javnost je informisana o podnesenom zahtjevu za izdavanje okolinske dozvole. U istoj obavijesti navedeno je da se javni uvid u Zahtjev za izdavanje rješenja o okolinskoj dozvoli može izvršiti na internet stranici nadležnog Ministarstva i dostaviti mišljenje u roku od 30 dana od dana objave Poziva. Primjedbe, informacije, analize ili mišljenja na predmetnu dokumentaciju su se mogle dostaviti na adresu Ministarstva (Reisa Džemaludina Čauševića 1, 71 000 Sarajevo) ili elektronskim putem. U zakonskom roku od 30 dana nisu zaprimljene primjedbe i sugestije na objavljeni zahtjev.

U skladu sa Zakonom o zaštiti okoliša („Službene novine FBiH“, br. 15/21) i članom 88. stav (5) objavljen je nacrt rješenja o izdavanju okolinske dozvole za pogon prikupljanja, privremenog skladištenja i tretman otpada, ukupnog kapaciteta 7.780 t/god – na internet stranici nadležnog Ministarstva dana 19.12.2025. godine gdje se daje javnosti rok od 8 dana za dostavu primjedbi, sugestija i komentara.

Nakon isteka zakonskog roka od 8 dana za dostavu primjedbi na nacrt rješenja o okolinskoj dozvoli, nisu zaprimljene primjedbe, sugestije niti komentari na isti od strane zainteresovane javnosti. Imajući u vidu gore navedeno, u skladu sa članom 200. Zakona o upravnom postupku, riješeno je kao u dispozitivu ovog rješenja.

Taksa za Rješenje o izdavanju okolinske dozvole se taksira sa 50,00 KM administrativne takse po tarifnom broju 28. tačka 5. član 19. Zakona o administrativnim taksama („Službene novine Kantona Sarajevo“, br. 30/01-prečišćeni tekst, 22/02, 10/05, 26/08 i 23/16), do pravosnažnosti ovog rješenja.

Protiv ovog Rješenja, može se izjaviti žalba Federalnom ministarstvu okoliša i turizma u roku od 15 dana, od dana dostavljanja Rješenja.

Žalba se predaje putem ovog ministarstva i to neposredno ili se šalje poštom.

Žalba se taksira sa 6 KM administrativne takse po tarifnom broju 3. člana 19. Zakona o administrativnim taksama („Službene novine Kantona Sarajevo“, br. 30/01-prečišćeni tekst, 22/02, 10/05, 26/08 i 23/16).

MINISTAR

Mladen Pandurević

Dostaviti:

- “Trgosirovina” d.o.o. Sarajevo, ul. Halilovići br. 9, 71000 Sarajevo
- Kantonalna uprava za inspekcijske poslove / Inspektorat urbanističko-građevinske, stambene i ekološke inspekcije, ul. Aleja Bosne Srebrene bb, Sarajevo
- Općina Novi Grad Sarajevo, Bulevar Meše Selimovića 97, 71000 Sarajevo
- Evidencija
- a/a

Akt izradila:

Dženita Mesić, stručni savjetnik za okolinske dozvole

Akt kontrolisao i odobrio:

Adnan Medić, pomoćnik ministra za zaštitu okoliša